

ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИНИНГ
ҚАРОРИ



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

Тошкент ш. – г. Ташкент

22 февраль 2018 й.г. № 138

Автомототранспорт воситаси конструкциясининг ва (ёки) унинг қисмининг йўл ҳаракати хавфсизлиги талабларига мувофиқлиги тўғрисида гувоҳнома ва автоматотранспорт воситасини қайта жиҳозлашга рухсатнома бериш тартиби тўғрисидаги низомни тасдиқлаш ҳақида

Ўзбекистон Республикасининг “Тадбиркорлик фаолияти соҳасидаги рухсат бериш тартиб-таомиллари тўғрисида”ги ва “Йўл ҳаракати хавфсизлиги тўғрисида”ги қонунларига, шунингдек, Ўзбекистон Республикаси Вазирлар Маҳкамасининг “Автомототранспорт воситаларини давлат рўйхатидан ўтказиш ва уларга рўйхатдан ўтказиш давлат рақами белгиларини бериш тартибини такомиллаштириш тўғрисида” 2017 йил 31 августдаги 683-сон қарорига мувофиқ Вазирлар Маҳкамаси қарор қилади:

1. Автомототранспорт воситаси конструкциясининг ва (ёки) унинг қисмининг йўл ҳаракати хавфсизлиги талабларига мувофиқлиги тўғрисида гувоҳнома ва автоматотранспорт воситасини қайта жиҳозлашга рухсатнома бериш тартиби тўғрисидаги низом иловага мувофиқ тасдиқлансин.

2. Ўзбекистон Республикаси Ички ишлар вазирлиги манфаатдор вазирликлар ва идоралар билан биргаликда ўзлари қабул қилган норматив-ҳуқуқий ҳужжатларни уч ой муддатда ушбу қарорга мувофиқлаштирсин.

3. Мазкур қарорнинг бажарилишини назорат қилиш Ўзбекистон Республикаси Ички ишлар вазири П.Р. Бобожонов зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2018 йил 22 февралдаги
138-сон қарорига
илова

**Автомобилтранспорт воситаси конструкциясининг ва (ёки) унинг қисмининг йўл ҳаракати хавфсизлиги талабларига мувофиқлиги тўғрисида гувоҳнома ва автомобилтранспорт воситасини қайта жиҳозлашга рухсатнома бериш тартиби тўғрисида
НИЗОМ**

1-боб. Умумий қоидалар

1. Мазкур Низом Ўзбекистон Республикаси Ички ишлар вазирлиги Йўл ҳаракати хавфсизлиги бош бошқармаси (кейинги ўринларда ЙҲХББ деб аталади) томонидан автомобилтранспорт воситаси конструкциясининг ва (ёки) унинг қисмининг йўл ҳаракати хавфсизлиги талабларига мувофиқлиги тўғрисида гувоҳнома ва автомобилтранспорт воситасини қайта жиҳозлашга рухсатнома бериш тартибини белгилайди.

2. Ушбу Низомда қуйидаги асосий тушунчалар қўлланилади:

мурожаат этувчи – автомобилтранспорт воситаси конструкциясининг ва (ёки) унинг қисмининг йўл ҳаракати хавфсизлиги талабларига мувофиқлиги тўғрисида гувоҳнома олиш учун мурожаат қилган тадбиркорлик субъекти, автомобилтранспорт воситасини қайта жиҳозлашга рухсатнома олиш учун мурожаат қилинганда эса – мазкур автомобилтранспорт воситасининг эгаси (юридик ёки жисмоний шахс);

автомобилтранспорт воситасини қайта жиҳозлаш – бошқа модел ва модификацияларнинг агрегат ва узеллари, эҳтиёт қисмлари ва бутловчи деталларидан фойдаланган ҳолда автомобилтранспорт воситаси конструкцияси ва таркибий қисмларининг элементларига ўзгартиришлар киритиш;

автомобилтранспорт воситасини қайта жиҳозлашга рухсатнома (кейинги ўринларда рухсатнома деб аталади) – автомобилтранспорт воситаси эгасининг аризасига асосан қайта жиҳозлашнинг аниқ тури бўйича бир марталик фаолиятни амалга ошириш учун тадбиркорлик субъектига бериладиган рухсат этиш хусусиятига эга ҳужжат;

автомобилтранспорт воситаси конструкциясининг ва (ёки) унинг қисмининг йўл ҳаракати хавфсизлиги талабларига мувофиқлиги тўғрисида гувоҳнома (кейинги ўринларда гувоҳнома деб аталади) – тадбиркорлик субъектига автомобилтранспорт воситасини қайта жиҳозлаш ва (ёки) автомобилтранспорт воситаси ва (ёки) унинг қисмларини тайёрлаш бўйича фаолиятни амалга ошириш ҳуқуқини берувчи рухсат этиш хусусиятига эга ҳужжат;

автомобилтранспорт воситаси (қисми) таркибий қисмлари ва жиҳозлаш предметлари – автомобилтранспорт воситасининг конструкциясига ўрнатиладиган ва фойдаланиладиган, техник жиҳатдан тартибга солиш соҳасидаги норматив ҳужжатлар талаблари татбиқ этиладиган агрегатлар, узеллар ва деталлар;

тадбиркорлик субъекти – гувоҳнома асосида автомобилотранспорт воситасини қайта жиҳозлаш ва (ёки) автомобилотранспорт воситаси ва (ёки) унинг қисмларини тайёрлаш бўйича фаолиятни амалга оширувчи юридик ёки жисмоний шахс;

ташкилот стандарти (Ts) – автомобилотранспорт воситасини қайта жиҳозлашнинг аниқ тури ва (ёки) аниқ марка ва моделдаги автомобилотранспорт воситаси ва (ёки) унинг қисмларини тайёрлаш бўйича фаолиятни амалга ошириш учун тадбиркорлик субъектига белгиланган тартибда берилган ҳужжат;

фойдаланишга оид ҳужжатлар – автомобилотранспорт воситасидан фойдаланишда қўллаш учун мўлжалланган ҳужжатлар.

3. Автомобилотранспорт воситасини қайта жиҳозлаш тадбиркорлик субъектлари томонидан қайта жиҳозлашнинг мазкур турини амалга ошириш учун ушбу Низомга мувофиқ берилган гувоҳнома, қайта жиҳозлашнинг мазкур тури гувоҳномада мавжуд бўлмаган ҳолларда рухсатнома асосида амалга оширилади.

4. Номерли агрегатни (двигатель, шасси, кузов, рама) айти шу марка ва моделдаги автомобилотранспорт воситасиники билан алмаштириш ёки тайёрловчи ташкилотларнинг фойдаланишга оид ҳужжатларида назарда тутилган автомобилотранспорт воситасининг бошқа қисмини (қисмларини) алмаштириш автомобилотранспорт воситасини қайта жиҳозлаш ҳисобланмайди.

Бунда, номерли агрегат (двигатель, шасси, кузов, рама) айти шу марка ва моделдаги автомобилотранспорт воситасиники билан алмаштирилгандан кейин мазкур автомобилотранспорт воситаси Ўзбекистон Республикаси Ички ишлар вазирлигининг Давлат йўл ҳаракати хавфсизлиги хизмати органларида белгиланган тартибда қайта рўйхатдан ўтказилади.

Тайёрловчи ташкилотнинг фойдаланишга оид ҳужжатларида назарда тутилган автомобилотранспорт воситасининг бошқа қисмини (қисмларини) алмаштиришда техник жиҳатдан тартибга солиш соҳасидаги норматив ҳужжатлар талабларига риоя қилиниши зарур.

5. Автомобилотранспорт воситасини тайёрловчи ташкилот томонидан номерли агрегатларга қўйилган маркировканинг ўзгариши ёки йўқолишига олиб келадиган тарзда қайта жиҳозлашга йўл қўйилмайди.

6. Автомобилотранспорт воситасини қайта жиҳозлаш тегишли гувоҳнома ёки рухсатномасиз амалга оширилган, шунингдек автомобилотранспорт воситаси ва (ёки) унинг қисми тегишли гувоҳномасиз тайёрланган ҳолларда мазкур автомобилотранспорт воситаси фойдаланишга қўйилмайди.

2-боб. Рухсат этувчи талаблар ва шартлар

7. Қуйидагилар автомобилотранспорт воситасини қайта жиҳозлаш ва (ёки) автомобилотранспорт воситаси ва (ёки) унинг қисмини тайёрлашни амалга оширишдаги рухсат этувчи талаблар ва шартлар ҳисобланади:

қонун ҳужжатларига мажбурий риоя қилиш;

ЙХХББ билан келишилган тегишли ташкилот стандарти (Ts) талабларига, қонун ҳужжатлари ва экология соҳасидаги норматив ҳужжатлар, санитария қоидалари, нормалари ва гигиена нормативлари талабларига мажбурий риоя қилиш;

тегишли ҳаракатни ва (ёки) белгиланган фаолиятни бажариш ёки амалга ошириш учун ишлаб чиқариш-техника базасининг (бинолар, иншоотлар, ишлаб чиқариш майдонлари ва ер участкалари, технологик жиҳозлар, тайёргарликдан ўтган ходимлар) мавжуд бўлиши;

ёнғин хавфсизлигига, автотранспорт воситасининг сақланишига, техника хавфсизлигига риоя қилишга оид талабларни бажариш;

фақат тегишли ҳужжатлари (эгасининг шахсини тасдиқловчи ҳужжат, тақдим этилган автототранспорт воситасининг рўйхатдан ўтганлиги тўғрисида гувоҳнома ёки автототранспорт воситаси мазкур шахсга тегишли эканлигини тасдиқловчи бошқа ҳужжат) мавжуд бўлган автототранспорт воситаси эгаларига хизмат кўрсатиш;

гувоҳномада кўрсатилган доирада тегишли ҳаракатни бажариш ва (ёки) белгиланган фаолиятни амалга ошириш.

3-боб. Гувоҳнома бериш тартиби

8. Гувоҳнома ЙҚХББ томонидан мазкур Низомга 1-иловадаги схемага мувофиқ 1 йил муддатга берилади.

9. Гувоҳнома олиш учун тадбиркорлик субъекти ЙҚХББга қуйидаги ҳужжатларни тақдим этади:

мазкур Низомга 2-иловага мувофиқ шаклда гувоҳнома бериш тўғрисида ариза;
тегишли ташкилот стандартининг (Ts) нусхаси;

намуналарнинг йўл ҳаракати хавфсизлиги соҳасида техник жиҳатдан тартибга солиш соҳасидаги норматив ҳужжатлар талабларига мувофиқлиги юзасидан ўтказилган қабул синов далолатномасининг нусхаси.

Автотранспорт воситаларига газ баллон жиҳозларини ўрнатиш бўйича хизматлар кўрсатувчи тадбиркорлик субъекти автотранспорт воситасининг алоҳида моделлари конструкциясининг техник лойиҳаси нусхасини ҳам тақдим этади. ДЙҚХББ мазкур хатбошида кўрсатилган ҳужжатга қўшимча равишда тегишли органлардан қуйидаги ҳужжатларни мустақил равишда сўраб олади:

“Саноатгеоконтехназорат” давлат инспекцияси томонидан берилган баллонларни техник текшириш бўйича фаолиятни амалга ошириш ҳуқуқини берувчи рухсатноманинг нусхаси;

“Ўзстандарт” агентлиги томонидан берилган газ баллон ускуналари уланмаларининг герметиклиги ва ишончилигини синовдан ўтказиш бўйича лабораториянинг аккредитация гувоҳномаси нусхаси.

10. Мазкур Низомнинг 9-бандида назарда тутилган аризада қуйидагилар кўрсатилган бўлиши керак: тадбиркорлик субъекти – юридик шахсининг номи, жойлашган ери (почта манзили) ва ташкилий-ҳуқуқий шакли; жисмоний шахс учун – фамилияси, исми, отасининг исми, фуқаронинг шахсини тасдиқловчи ҳужжатнинг маълумотлари, шунингдек мазкур тадбиркорлик субъекти бажаришни ёки амалга оширишни мўлжаллаётган ҳаракат ва (ёки) муайян фаолият.

11. Мурожаат этувчидан мазкур Низомнинг 9-бандида назарда тутилмаган ҳужжатларни тақдим этишни талаб қилишга йўл қўйилмайди.

12. Гувоҳнома олиш учун зарур маълумотлар ЙҲХББ томонидан унинг Интернет бутунжаҳон тармоғидаги расмий веб-сайтига жойлаштирилади.

13. Гувоҳнома олиш учун зарур ҳужжатлар ЙҲХББга мурожаат этувчи томонидан бевосита, почта алоқаси воситасида ёки мурожаат этувчининг электрон рақамли имзоси билан тасдиқланган электрон шаклда тақдим этилиши мумкин.

14. Гувоҳнома олиш учун ЙҲХББга тақдим этилган ҳужжатлар рўйхат бўйича қабул қилинади, мазкур рўйхат ҳужжатлар қабул қилинган сана ҳақида белги қўйган ҳолда дарҳол мурожаат этувчига берилади (юборилади).

15. ЙҲХББ аризани мазкур Низомнинг 9-бандида назарда тутилган ҳужжатлар қабул қилинган санадан бошлаб ўн беш иш кунидан ошмаган муддатда кўриб чиқади.

16. Тадбиркорлик субъектининг аризада кўрсатилган хизматларни бажара олиш имкониятини баҳолаш тақдим этилган ҳужжатлар асосида амалга оширилади, шунингдек гувоҳнома бериш ёки гувоҳнома беришни рад этиш тўғрисида қарор ЙҲХББ томонидан мустақил равишда қабул қилинади.

17. Тадбиркорлик субъектига гувоҳнома бериш тўғрисида қарор қабул қилинган ҳолларда ЙҲХББ раҳбари мазкур Низомга 3-иловага мувофиқ шаклда расмийлаштириладиган ва ЙҲХББнинг муҳри билан тасдиқланадиган гувоҳномани имзолайди.

18. ЙҲХББ ушбу қарор қабул қилинган санадан бошлаб бир иш кунидан кеч бўлмаган муддатда мурожаат этувчига (тадбиркорлик субъектига) гувоҳномани беради (юборади) ёки уни ёзма шаклда, шу жумладан ахборот тизими орқали электрон шаклда хабардор қилади.

19. ЙҲХББ берилган гувоҳномалар реестрини Рухсат этиш хусусиятига эга ҳужжатлар реестрларини юритиш тартиби тўғрисидаги низомда назарда тутилган тартибда юритади, шунингдек уни ўзининг Интернет бутунжаҳон тармоғидаги расмий веб-сайтига жойлаштиради.

Берилган гувоҳномалар реестридаги маълумотлар барча фойдаланиши учун очиқ ҳисобланади.

20. Гувоҳнома бериш қуйидаги асосларга кўра рад этилиши мумкин:

муурожаат этувчи томонидан мазкур Низомнинг 9-бандида назарда тутилган ҳужжатларнинг тўлиқ бўлмаган ҳажмда тақдим этилиши;

муурожаат этувчи томонидан рухсат этувчи талаблар ва шартларга риоя этилмаслиги;

муурожаат этувчи томонидан тақдим этилган ҳужжатларда ишончсиз ёки бузиб кўрсатилган маълумотлар мавжудлиги;

мазкур Низомнинг 16-бандига мувофиқ тадбиркорлик субъектининг аризада кўрсатилган хизматларни бажара олиш имкониятини ўрганиш ва баҳолаш натижаларига кўра тайёрланган, ЙҲХББнинг асосланган салбий хулосаси.

Гувоҳнома беришни бошқа асосларга кўра, шу жумладан мақсадга мувофиқ эмас деган важлар билан рад этишга йўл қўйилмайди.

21. Гувоҳнома беришни рад этиш тўғрисида қарор қабул қилинган ҳолларда мурожаат этувчига ёзма шаклда, шу жумладан ахборот тизими орқали электрон шаклда рад этиш сабаблари, қонун ҳужжатларининг аниқ нормалари ва мурожаат этувчи кўрсатилган камчиликларни бартараф этиб, такроран мурожаат қилиши мумкин бўлган муддат кўрсатилган рад этиш ҳақида хабарнома юборилади (берилади).

Рад этиш ҳақида ёзма хабарнома олгандан кейин мурожаат этувчи бир ой муддатда рад этиш сабабларини бартараф этишга ва ҳужжатларни такроран кўриб чиқиш учун тақдим этишга ҳақли.

22. Гувоҳнома беришда рад учун асос бўлган сабаблар мурожаат этувчи томонидан белгиланган муддатда бартараф этилган тақдирда, ҳужжатларни такроран кўриб чиқиш, гувоҳнома бериш ёки унинг берилишини рад этиш ЙҚХББ томонидан мурожаат этувчининг рад этиш сабабларини бартараф этганлиги тўғрисидаги аризаси ва рад этиш сабаблари бартараф этилганлигини тасдиқловчи тегишли ҳужжатлар олинган кундан эътиборан ўн иш кунидан ошмаган муддатда амалга оширилади.

23. Ҳужжатларни такроран кўриб чиқишда ЙҚХББ томонидан мурожаат этувчига аввал ёзма шаклда, шу жумладан ахборот тизими орқали электрон шаклда баён этилмаган рад этиш сабабларини кўрсатишга йўл қўйилмайди, аввал кўрсатилган сабаблар бартараф этилганлигини тасдиқловчи ҳужжатлар билан боғлиқ ҳолатлар бундан мустасно.

24. Мазкур Низомнинг 21-бандида кўрсатилган муддат тугагандан кейин берилган такрорий ариза янги берилган ҳисобланади ва ЙҚХББ томонидан умумий асосларда кўриб чиқилади.

25. Мурожаат этувчи гувоҳнома бериш рад этилганлиги, шунингдек ЙҚХББ мансабдор шахсининг ҳаракати (ҳаракатсизлиги) юзасидан белгиланган тартибда шикоят қилишга ҳақли.

4-боб. Рухсатнома бериш тартиби

26. Рухсатнома ЙҚХББ томонидан мазкур Низомга 4-иловадаги схемага мувофиқ 1 йил муддатга берилади.

27. Автомототранспорт воситасини қайта жиҳозлашга рухсатнома тадбиркорлик субъектига автоматотранспорт воситаси эгасининг (юридик ёки жисмоний шахсининг) қуйидаги ҳужжатларни илова қилган ҳолда мазкур Низомга тегишли равишда 5 ва 6-иловаларга мувофиқ шаклларда бериладиган аризаларига асосан берилади:

эгасининг шахсини тасдиқловчи ҳужжат нусхаси – жисмоний шахслар учун (фуқаролик паспорти, 16 ёшга тўлмаганлар учун – туғилганлик ҳақида гувоҳнома, ҳарбий хизматчилар учун – ҳарбий қисм ва ҳарбий муассаса қўмондонлиги томонидан бериладиган шахсий гувоҳнома ёки ҳарбий гувоҳнома (ҳарбий хизматга мажбурларнинг ҳарбий гувоҳномалари бундан мустасно), чет эл фуқаролари учун – Ўзбекистон Республикасида яшаш гувоҳномаси ёки чет эл фуқаросининг ички ишлар органлари томонидан доимий ёки вақтинча яшаш жойи ҳақида белги қўйилган миллий паспорти, фуқаролиги бўлмаган шахслар учун – фуқаролиги бўлмаган шахсининг шахсини тасдиқловчи Ўзбекистон Республикасида яшаш гувоҳномаси);

автомототранспорт воситасининг рўйхатдан ўтиш гувоҳномаси (техник паспорт, техник талон) ёки автоматотранспорт воситасининг мазкур эгага тегишли эканлигини тасдиқловчи бошқа ҳужжат нусхаси.

Автомототранспорт воситасини қайта жиҳозлаш учун тадбиркорлик субъектини танлаш унинг эгаси томонидан амалга оширилиши мумкин, бу ҳақда аризада кўрсатилади.

28. Мурожаат этувчидан мазкур Низомнинг 27-бандида назарда тутилмаган бошқа ҳужжатларни тақдим этишни талаб қилишга йўл қўйилмайди.

29. Рухсатнома олиш учун зарур маълумотлар ЙҚХББ томонидан унинг Интернет бутунжаҳон тармоғидаги расмий веб-сайтига жойлаштирилади.

30. Рухсатнома олиш учун зарур ҳужжатлар ЙҚХББга мурожаат этувчи томонидан бевосита, почта алоқаси воситасида ёки мурожаат этувчининг электрон рақамли имзоси билан тасдиқланган электрон шаклда тақдим этилиши мумкин.

31. Рухсатнома олиш учун ЙҚХББга тақдим этилган ҳужжатлар рўйхат бўйича қабул қилинади, мазкур рўйхат ҳужжатлар қабул қилинган сана ҳақида белги қўйган ҳолда дарҳол мурожаат этувчига берилади (юборилади).

32. ЙҚХББ аризани мазкур Низомнинг 27-бандида назарда тутилган ҳужжатлар қабул қилинган санадан бошлаб ўн беш иш кунидан ошмаган муддатда кўриб чиқади.

33. Тадбиркорлик субъектининг аризада кўрсатилган хизматларни бажара олиш имкониятини баҳолаш (аризада кўрсатилган ҳолларда), шунингдек рухсатнома бериш ёки рухсатнома беришни рад этиш тўғрисида қарор қабул қилиш ЙҚХББ томонидан мустақил равишда амалга оширилади.

34. Тадбиркорлик субъектига рухсатнома бериш тўғрисида қарор қабул қилинган ҳолларда ЙҚХББ ушбу қарор қабул қилинган санадан бошлаб бир иш кунидан кеч бўлмаган муддатда:

мазкур Низомга 4-иловага мувофиқ шаклда рухсатнома расмийлаштиради;

тадбиркорлик субъектига рухсатнома беради (юборади) ёки уни ёзма шаклда, шу жумладан ахборот тизими орқали электрон шаклда хабардор қилади;

автомототранспорт воситаси эгасини ёзма шаклда, шу жумладан ахборот тизими орқали электрон шаклда хабардор қилади;

қайта жиҳозлаш ўтказилгандан кейин қайта рўйхатдан ўтказиш учун мазкур автоматотранспорт воситаси рўйхатдан ўтказилган Қорақалпоғистон Республикаси Ички ишлар вазирлиги, Тошкент шаҳар Ички ишлар бош бошқармаси ва вилоятлар ички ишлар бошқармаларининг йўл ҳаракати хавфсизлиги ҳудудий бошқармаларига рухсатноманинг нусхасини юборади.

35. Рухсатнома бериш қуйидаги асосларга кўра рад этилиши мумкин:

муурожаат этувчи томонидан мазкур Низомнинг 27-бандида назарда тутилган ҳужжатларнинг тўлиқ бўлмаган ҳажмда тақдим этилиши;

тадбиркорлик субъекти томонидан рухсат этувчи талаблар ва шартларга риоя этилмаслиги;

муурожаат этувчи томонидан тақдим этилган ҳужжатларда ишончсиз ёки бузиб кўрсатилган маълумотлар мавжудлиги;

мазкур Низомнинг 33-бандига мувофиқ тайёрланган тадбиркорлик субъектининг аризада кўрсатилган хизматларни бажара олиш имкониятини баҳолаш натижаларига кўра тайёрланган, ЙҚХББнинг асосланган салбий хулосаси.

Рухсатнома беришни бошқа асосларга кўра, шу жумладан мақсадга мувофиқ эмас деган важлар билан рад этишга йўл қўйилмайди.

36. Рухсатнома беришни рад этиш тўғрисида қарор қабул қилинган ҳолларда муурожаат этувчига ёзма шаклда, шу жумладан ахборот тизими орқали электрон шаклда рад этиш сабаблари, қонун ҳужжатларининг аниқ нормалари ва муурожаат этувчи кўрсатилган камчиликларни бартараф этиб, такроран муурожаат қилиши мумкин бўлган муддат кўрсатилган рад этиш ҳақида хабарнома юборилади (берилади).

Рухсатнома беришни рад этиш ҳақида ёзма хабарнома олгандан кейин муурожаат этувчи ўн кун муддатда рад этиш сабабларини бартараф этишга ва ҳужжатларни такроран кўриб чиқиш учун тақдим этишга ҳақли.

37. Рухсатнома беришда рад учун асос бўлган сабаблар муурожаат этувчи томонидан белгиланган муддатда бартараф этилган тақдирда, ҳужжатларни такроран кўриб чиқиш, рухсатнома бериш ёки унинг берилишини рад этиш ЙҚХББ томонидан муурожаат этувчининг рад этиш сабабларини бартараф этганлиги тўғрисидаги аризаси ва рад этиш сабаблари бартараф этилганлигини тасдиқловчи тегишли ҳужжатлар олинган кундан эътиборан ўн иш кунидан ошмаган муддатда амалга оширилади.

38. Ҳужжатларни такроран кўриб чиқишда ЙҚХББ томонидан муурожаат этувчига аввал ёзма шаклда, шу жумладан ахборот тизими орқали электрон шаклда баён этилмаган рад этиш сабабларини кўрсатишга йўл қўйилмайди, аввал кўрсатилган сабаблар бартараф этилганлигини тасдиқловчи ҳужжатлар билан боғлиқ ҳолатлар бундан мустасно.

39. Мазкур Низомнинг 36-бандида кўрсатилган муддат тугагандан кейин берилган такрорий ариза янги берилган ҳисобланади ва ЙҚХББ томонидан умумий асосларда кўриб чиқилади.

40. Муурожаат этувчи рухсатнома бериш рад этилганлиги, шунингдек ЙҚХББ мансабдор шахсининг ҳаракати (ҳаракатсизлиги) юзасидан белгиланган тартибда шикоят қилишга ҳақли.

5-боб. Гувоҳнома ва рухсатномани қайта расмийлаштириш, амал қилиш муддатини узайтириш, дубликатини бериш

41. Тадбиркорлик субъекти – юридик шахс қайта ташкил этилган, унинг номи ёки жойлашган жойи (почта манзили) ўзгарган ҳолларда тадбиркорлик субъекти ёки унинг ҳуқуқий вориси қайта рўйхатдан ўтказиш амалга оширилган кундан бошлаб етти иш кун ичида, кўрсатилган маълумотларни тасдиқловчи ҳужжатларни илова қилган ҳолда гувоҳнома ёки рухсатномани қайта расмийлаштириш тўғрисида ЙҚХББга ариза бериши шарт.

Тадбиркорлик субъекти – жисмоний шахснинг унга берилган гувоҳномада кўрсатилган фамилияси, исми, отасининг исми ёки фаолият жойи ўзгарган ҳолларда тадбиркорлик субъекти қайта рўйхатдан ўтказиш амалга оширилган кундан бошлаб етти иш куни ичида кўрсатилган маълумотларни тасдиқловчи ҳужжатларни илова қилган ҳолда гувоҳнома ёки рухсатномани қайта расмийлаштириш тўғрисида ЙҚХББга ариза бериши шарт.

Ҳужжатлар мурожаат этувчи томонидан ЙҚХББга бевосита, почта алоқаси воситасида ёки электрон шаклда уларнинг қабул қилинганлиги ҳақида хабардор қилган ҳолда тақдим этилади. Электрон шаклда тақдим этилган ҳужжатлар мурожаат этувчининг электрон рақамли имзоси билан тасдиқланади.

Мурожаат этувчидан мазкур бандда назарда тутилмаган ҳужжатлар тақдим этишини талаб қилишга йўл қўйилмайди.

42. Гувоҳнома ёки рухсатномани қайта расмийлаштириш ва бериш ЙҚХББ томонидан тегишли ҳужжатлар илова қилинган ҳолда гувоҳнома ёки рухсатномани қайта расмийлаштириш тўғрисида ариза қабул қилинган кундан бошлаб беш иш куни ичида амалга оширилади. Гувоҳномани қайта расмийлаштиришда ЙҚХББ берилган гувоҳномалар реестрига тегишли ўзгартиришлар киритади.

43. Гувоҳнома қайта расмийлаштирилгунга қадар гувоҳномани қайта расмийлаштириш тўғрисида ариза берган тадбиркорлик субъекти ёки унинг ҳуқуқи вориси (меросхўри) аризада кўрсатилган ҳаракатни ва (ёки) фаолиятни гувоҳномани қайта расмийлаштириш тўғрисида берилган, ЙҚХББнинг ариза қабул қилинган сана тўғрисидаги белгиси қўйилган аризаси асосида бажаради ёки амалга оширади.

44. Гувоҳноманинг амал қилиш муддати тадбиркорлик субъектининг мурожаатига асосан узайтирилади. Гувоҳноманинг амал қилиш муддатини узайтириш уни бериш учун назарда тутилган тартибда амалга оширилади.

45. Гувоҳнома ёки рухсатнома йўқолган ёхуд яроқсиз ҳолга келган тақдирда мурожаат этувчининг мурожаати асосида (гувоҳнома ва рухсатнома яроқсиз ҳолга келган тақдирда унинг асли илова қилинган ҳолда) уларнинг дубликати берилади. ЙҚХББ ариза қабул қилинган кундан бошлаб беш иш кунидан ортиқ бўлмаган муддатда гувоҳнома ёки рухсатноманинг дубликатини бериши (юбориши) шарт.

6-боб. Яқунловчи қоидалар

46. Тадбиркорлик субъекти ўзи томонидан қайта жиҳозланган автомобилотранспорт воситаси эгасига қайта жиҳозлаш амалга оширилганлиги ҳақида ёзув киритилган, гувоҳнома нусхасининг тартиб рақами ва берилган санаси кўрсатилган ҳолда гувоҳнома нусхасини беради.

Мазкур гувоҳнома нусхаси тадбиркорлик субъектининг мансабдор шахси томонидан имзоланади, унинг муҳри билан тасдиқланади ва қайта жиҳозланган автомобилотранспорт воситасини Ўзбекистон Республикаси Ички ишлар вазирлигининг Давлат йўл ҳаракати хавфсизлиги хизмати органларида қонун ҳужжатларида белгиланган тартибда рўйхатдан ўтказиш (қайта рўйхатдан ўтказиш) учун асос ҳисобланади.

47. Аризани кўриб чиқиш, гувоҳнома ва рухсатномани бериш, қайта расмийлаштириш, амал қилиш муддатини узайтириш ва дубликатини бериш учун йиғим ундирилмайди.

48. Гувоҳнома ва рухсатноманинг амал қилишини тўхтатиб туриш, тўхтатиш ва бекор қилиш “Тадбиркорлик фаолияти соҳасида рухсат бериш тартиб-таомиллари тўғрисида”ги Ўзбекистон Республикаси Қонунининг тегишли равишда 22, 23 ва 25-моддаларида назарда тутилган ҳолларда ва тартибда амалга оширилади.

Автомототранспорт воситаси конструкциясининг
ва (ёки) унинг қисмининг йўл ҳаракати хавфсизлиги
талабларига мувофиқлиги тўғрисида гувоҳнома
ва автотранспорт воситасини қайта жиҳозлашга
рухсатнома бериш тартиби тўғрисидаги низомга
1-илова

**Автомототранспорт воситаси конструкциясининг
ва (ёки) унинг қисмининг йўл ҳаракати хавфсизлиги
талабларига мувофиқлиги тўғрисида гувоҳнома олиш
СХЕМАСИ**

Субъектлар	Тадбирлар	Муддатлар
Мурожаат этувчи (тадбиркорлик субъекти)	Гувоҳнома олиш учун зарур бўлган ҳужжатларни Низомнинг 9-бандида кўрсатилган рўйхатга мувофик тайёрлайди ва уларни ЙҚХББга бевосита, почта алоқаси воситалари ёки мурожаат этувчининг электрон рақамли имзоси билан тасдиқланган электрон шаклда тақдим этади.	Мурожаат этувчининг хоҳишига кўра
ЙҚХББ	1. Гувоҳнома олиш учун зарур бўлган ҳужжатларни Низомнинг 9-бандида кўрсатилган рўйхатга мувофик бевосита мурожаат этувчидан, почта алоқаси воситалари ёки электрон шаклда рўйхат бўйича қабул килади ва у ҳужжатлар қабул қилинган сана кўрсатилган ҳолда дарҳол мурожаат этувчига берилади (юборилади). 2. Тақдим этилган ҳужжатларни ўрганиш натижасида гувоҳнома бериш ёки гувоҳнома беришни рад этиш ҳақида раҳбариятга таклиф тайёрлайди. 3. ЙҚХББ бошлиғи гувоҳномани имзолайди ва у ЙҚХББнинг гербли муҳри билан тасдиқланади. 4. Мурожаат этувчига гувоҳномани бериш (юбориш) ёки уни беришни рад этиш тўғрисида ёзма равишда хабар беради. 5. Гувоҳнома берилишини рад этиш ҳақида қарор қабул қилинган тақдирда, рад ҳақидаги хабарнома мурожаат этувчига ёзма равишда рад этиш сабаблари, конун ҳужжатларининг аниқ нормалари, мурожаат этувчи кўрсатилган сабабларни бартараф этган тақдирда ҳужжатларнинг такроран кўриб чиқилиши учун тақдим этиши мумкин бўлган муддат кўрсатилган ҳолда юборилади (тақдим этилади).	Ҳужжатлар қабул қилинган кунда Ўн беш иш куни мобайнида Қарор қабул қилинган санадан бошлаб бир иш кунидан кечикмай
Мурожаат этувчи (тадбиркорлик субъекти)	Мурожаат этувчи гувоҳнома беришни рад этиш учун асос бўлган сабабларни бартараф этган тақдирда, ҳужжатлар такроран кўриб чиқиш учун ЙҚХББга ариза киритади.	Рад жавобини олгандан сўнг бир ой мобайнида
ЙҚХББ	ЙҚХББ рад этиш сабаблари бартараф этилгани ҳақидаги ариза ва улар бартараф этилганини тасдиқловчи тегишли ҳужжатлар олинган кундан бошлаб, ўн иш кунидан ортиқ бўлмаган муддатда ҳужжатларни қайта кўриб чиқади ва гувоҳнома бериш ёки гувоҳнома беришни рад этиш тўғрисида қарор килади. Низомнинг 21-бандида кўрсатилган муддат тулагандан сўнг қайта кўриб чиқиш учун киритилган ариза қайта тақдим этилган ҳисобланади ва ЙҚХББ ушбу аризани умумий асосларда кўриб чиқади.	Аризани қабул қилган кундан бошлаб ўн иш куни мобайнида

Автомототранспорт воситаси конструкциясининг
ва (ёки) унинг қисмининг йўл ҳаракати хавфсизлиги
талабларига мувофиқлиги тўғрисида гувоҳнома
ва автотранспорт воситасини қайта жиҳозлашга
рухсатнома бериш тартиби тўғрисидаги низомга
2-илова

Ўзбекистон Республикаси
Ички ишлар вазирлиги
Йўл ҳаракати хавфсизлиги
бош бошқармаси бошлиғига

**Автомототранспорт воситаси конструкциясининг
ва (ёки) унинг қисмининг йўл ҳаракати хавфсизлиги талабларига
мувофиқлиги тўғрисида гувоҳнома бериш тўғрисида**

АРИЗА

_____ га гувоҳнома беришингизни сўрайман

(ташкилот стандартига асосан фаолият предмети-Ts)

Аризага илова қилинаётган ҳужжатлар рўйхати:

(Автомототранспорт воситаси конструкциясининг ва (ёки) унинг қисмининг йўл ҳаракати
хавфсизлиги талабларига мувофиқлиги тўғрисида гувоҳнома ва автотранспорт воситасини қайта
жиҳозлашга рухсатнома бериш тартиби тўғрисидаги низомнинг 9-бандига мувофиқ)

Раҳбар

_____ (имзо)

_____ (фамилияси, исми, отасининг исми)

Изоҳ. Юридик шахс бўлган тадбиркорлик субъектининг номи, жойлашган ери (почта манзили) ва ташкилий-ҳуқуқий шакли кўрсатилган ҳолда фирма бланкасида; жисмоний шахс бўлган тадбиркорлик субъекти учун — фамилияси, исми, отасининг исми, фуқаронинг шахсини тасдиқловчи ҳужжат маълумотлари, тадбиркорлик субъекти бажармоқчи ёки амалга оширмоқчи бўлган ҳаракат ва (ёки) муайян фаолият кўрсатилган ҳолда тўлдирилади.

Автомототранспорт воситаси конструкциясининг
ва (ёки) унинг қисмининг йўл ҳаракати хавфсизлиги
талабларига мувофиқлиги тўғрисида гувоҳнома
ва автотранспорт воситасини қайта жиҳозлашга
рухсатнома бериш тартиби тўғрисидаги низомга
3-илова

**Автомототранспорт воситаси конструкциясининг
ва (ёки) унинг қисмининг йўл ҳаракати хавфсизлиги
талабларига мувофиқлиги тўғрисида
ГУВОҲНОМА № _____**

1. Берилди _____
(тадбиркорлик субъектининг номи ва почта манзили)
2. Ишлаб чиқариш участкалари манзили _____
3. Стандартни ишлаб чиқувчи ташкилотнинг номи ва почта манзили
(Ts) _____
4. Транспорт воситасининг фаолият тури, маркаси ва тури _____
5. Амал қилиш муддати 20 ____ йил “ ____ ” _____ гача
- Ўзбекистон Республикаси
Ички ишлар вазирлиги
Йўл ҳаракати хавфсизлиги
бош бошқармаси бошлиғи _____
(имзо) _____ (фамилияси, исми, отасининг исми.)
М.Ў.
- 20 ____ йил “ ____ ” _____.
6. Гувоҳнома нусхаси _____ -сон
7. _____ транспорт воситаси қайта жиҳозланди.

(транспорт воситасининг маркаси, тури ва рўйхатдан ўтказиш давлат рақами белгиси)

Тадбиркорлик субъектининг
мансабдор шахси

(Имзо) _____ (фамилияси, исми, отасининг исми.)
М.Ў.

20 ____ йил “ ____ ” _____.

Изоҳ.

1. 1, 2, 3, 4 ва 5-бандлар ЙҚХББ томонидан, 6 ва 7-бандлар эса – тадбиркорлик субъекти томонидан тўлдирилади.

2. Автотранспортни қайта жиҳозлаш фаолияти билан шуғулланувчи тадбиркорлик субъекти, гувоҳнома асосида қайта жиҳозланган транспорт воситасининг эгасига мазкур гувоҳноманинг кўчирма нусхасини қайта жиҳозланганлиги тўғрисидаги ёзув киритган ҳолда, кўчирма нусханинг тартиб рақами ва қайта жиҳозланган транспорт эгасига тақдим этилган санани кўрсатган ҳолда тақдим этилади. Мазкур гувоҳноманинг кўчирма нусхаси тадбиркорлик субъектининг мансабдор шахси томонидан имзоланади, муҳри билан тасдиқланади ва қайта жиҳозланган автотранспорт воситасининг Ўзбекистон Республикаси ЙҚХББ органларида конунчиликда белгиланган тартибда рўйхатга олиш ва қайта рўйхатга олиш учун асос бўлади.

Автомототранспорт воситаси конструкциясининг ва (ёки) унинг қисмининг йўл ҳаракати хавфсизлиги талабларига мувофиқлиги тўғрисида гувоҳнома ва автотранспорт воситасини қайта жиҳозлашга рухсатнома бериш тартиби тўғрисидаги низомга 4-илова

Автомототранспорт воситасини қайта жиҳозлашга рухсатнома бериш СХЕМАСИ

Субъектлар	Тадбирлар	Муддатлар
Ариза берувчи (автомототранспорт воситасининг эгаси)	Рухсатнома олиш учун зарур бўлган ҳужжатларни Низомнинг 27-бандида кўрсатилган рўйхатга мувофиқ тайёрлайди ва уларни бевосита ЙҲХББга, почта алоқаси воситалари ёки мурожаат этувчининг электрон рақамли имзоси билан тасдиқланган электрон шаклда тақдим этади.	Ариза берувчининг хоҳишига кўра
ЙҲХББ	1. Гувоҳнома олиш учун зарур бўлган ҳужжатларни Низомнинг 27-бандида кўрсатилган рўйхатга мувофиқ бевосита мурожаат этувчидан, почта алоқаси воситалари ёки электрон шаклда рўйхат бўйича қабул қилади ва у ҳужжатлар қабул қилинган сана кўрсатилган ҳолда дарҳол мурожаат этувчига берилади (юборилади). 2. Тақдим этилган ҳужжатларни ўрганиш натижасида рухсатнома бериш ёки рухсатнома беришни рад этиш ҳақида раҳбариятга таклиф тайёрлайди. 3. ЙҲХББ бошлиғи рухсатномани имзолайди. 4. Тадбиркорлик субъектига рухсатномани беради (юборади) ва бу ҳақда мурожаат этувчига ҳам маълум қилади. 5. Рухсатнома берилишини рад этиш ҳақида қарор қабул қилинган тақдирда, рад ҳақидаги хабарнома мурожаат этувчига ёзма равишда рад этиш сабаблари, қонун ҳужжатларининг аниқ нормалари кўрсатилган ҳолда юборилади (тақдим этилади).	Ҳужжатлар қабул қилинган кунда Ўн беш иш куни мобайнида. Қарор қабул қилинган санадан бошлаб бир иш кунидан кечикмай
Ариза берувчи (автомототранспорт воситасининг эгаси)	Ариза берувчи рухсатнома беришни рад этиш учун асос бўлган сабабларни бартараф этган тақдирда, ҳужжатлар такроран кўриб чиқиш учун ЙҲХББга ариза киритади. ЙҲХББ рад этиш сабаблари бартараф этилгани ҳақидаги ариза ва улар бартараф этилганини тасдиқловчи тегишли ҳужжатлар олинган кундан бошлаб, ўн иш кунидан ортиқ бўлмаган муддатда ҳужжатларни қайта кўриб чиқади ва рухсатнома бериш ёки рухсатнома беришни рад этиш тўғрисида қарор қилади. Кўрсатилган муддат тугагандан сўнг киритилган ариза қайта тақдим этилган ҳисобланади ва ЙҲХББ ушбу аризани умумий асосларда кўриб чиқади.	Хабарнома олинган кундан бошлаб ўн иш куни мобайнида Ўн иш куни мобайнида.
Ариза берувчи (автомототранспорт воситасининг эгаси)	Ариза берувчи, рухсатнома бериш тўғрисидаги қарор ҳақида хабарнома олган тақдирда, рухсатномада кўрсатилган тадбиркорлик субъектига автоматотранспорт воситасини бир марталик қайта жиҳозлашни амалга ошириш учун мурожаат қилади Тадбиркорлик субъекти аризачининг автоматотранспорт воситасида шартнома асосида қайта жиҳозлашни амалга оширади ва автоматотранспорт воситасини Давлат йўл ҳаракати хавфсизлиги хизмати органларида қайта рўйхатдан ўтказиш учун тегишли ҳужжатлар тақдим этади. Қайта жиҳозлашни амалга оширганнан сўнг аризачи қайта жиҳозланган автоматотранспорт воситасини Давлат йўл ҳаракати хавфсизлиги хизмати органларига қонунчиликда белгиланган тартибда тегишли ҳужжатларни тақдим этади.	Рухсатноманинг амал қилиш муддати мобайнида Шартномага асосан Қайта жиҳозлашдан сўнг 10 кун мобайнида

Автомототранспорт воситаси конструкциясининг
ва (ёки) унинг қисмининг йўл ҳаракати хавфсизлиги
талабларига мувофиқлиги тўғрисида гувоҳнома
ва автотранспорт воситасини қайта жиҳозлашга
рухсатнома бериш тартиби тўғрисидаги низомга
5-илова

Ўзбекистон Республикаси
Ички ишлар вазирлиги
Йўл ҳаракати хавфсизлиги
бош бошқармаси бошлиғига

**Автомототранспорт воситасини қайта жиҳозлашга
рухсатнома бериш тўғрисида
АРИЗА**

_____ га рухсат беришингизни сўрайман

(қайта жиҳозлаш тури, маркаси, тури ва рўйхатдан ўтказиш давлат рақами белгиси, қайта
жиҳозлашни амалга ошираётган тадбиркорлик субъектининг номи ва жойлашган манзили)

Аризага илова қилинаётган ҳужжатлар рўйхати:

(Автомототранспорт воситаси конструкциясининг ва (ёки) унинг қисмининг йўл ҳаракати хавфсизлиги
талабларига мувофиқлиги тўғрисида гувоҳнома ва автоматотранспорт воситасини қайта жиҳозлашга
рухсатнома бериш тартиби тўғрисидаги низомнинг 27-банди талабларига мувофиқ)

Раҳбар

(имзо)

(фамилияси, исми, отасининг исми.)

Изоҳ. Ариза юридик шахс – транспорт эгаси томонидан фирма бланкасида номи,
жойлашган жойи (почта манзили) ва ташкилий-ҳуқуқий шакли кўрсатилган ҳолда
тўлдирилади.

Автомототранспорт воситаси конструкциясининг
ва (ёки) унинг қисмининг йўл ҳаракати хавфсизлиги
талабларига мувофиқлиги тўғрисида гувоҳнома
ва автотранспорт воситасини қайта жиҳозлашга
рухсатнома бериш тартиби тўғрисидаги низомга
6-илова

Ўзбекистон Республикаси
Ички ишлар вазирлиги
Йўл ҳаракати хавфсизлиги
бош бошқармаси бошлиғига
_____дан
(аризачининг фамилияси,
исми, отасининг исми)

аризачининг почта манзили: _____

телефон рақами: _____

**Автомототранспорт воситасини қайта жиҳозлашга
рухсатнома бериш тўғрисида
АРИЗА**

_____ га рухсатнома беришингизни сўрайман

_____ (қайта жиҳозлаш тури, маркаси, тури ва рўйхатдан ўтказиш давлат рақами белгиси, қайта
жиҳозлашни амалга ошираётган тадбиркорлик субъектининг номи ва жойлашув манзили)

Аризага илова қилинаётган ҳужжатлар рўйхати:

(Автомототранспорт воситаси конструкциясининг ва (ёки) унинг қисмининг йўл ҳаракати хавфсизлиги
талабларига мувофиқлиги тўғрисида гувоҳнома ва автотранспорт воситасини қайта жиҳозлашга рухсатнома
бериш тартиби тўғрисидаги низомнинг 27-банди талабларига мувофиқ)

(имзо)

(фамилияси, исми, отасининг исми.)

« ____ » _____ 20 ____ йил.

Изоҳ. Ариза жисмоний шахс томонидан фамилияси, исми, отасининг исми, шахсини
тасдиқловчи ҳужжат маълумотлари кўрсатилган ҳолда тўлдирилади.

Автомототранспорт воситаси конструкциясининг
ва (ёки) унинг қисмининг йўл ҳаракати хавфсизлиги
талабларига мувофиқлиги тўғрисида гувоҳнома
ва автотранспорт воситасини қайта жиҳозлашга
рухсатнома бериш тартиби тўғрисидаги низомга
7-илова

Автомототранспорт воситасини қайта жиҳозлашга РУХСАТНОМА

Берилди _____

(тадбиркорлик субъекти-юридик шахснинг номи, жойлашган манзили (почта манзили) ва
ташкилий-ҳуқуқий шакли; тадбиркорлик субъекти-жисмоний шахснинг фамилияси, исми, отасининг
исми, шахсини тасдиқловчи ҳужжат маълумотлари)

_____ автоматотранспорт воситасини қайта жиҳозлаш учун

_____ (транспорт воситаси маркаси, тури ва рўйхатдан ўтказиш давлат рақами белгиси)

Транспорт воситасининг эгаси _____

_____ (юридик шахснинг номи, жойлашган манзили (почта манзили) ва ташкилий-ҳуқуқий шакли;
жисмоний шахснинг фамилияси, исми, отасининг исми, шахсини тасдиқловчи ҳужжат
маълумотлари)

Қайта жиҳозлаш тури _____

Алоҳида шароит ва талаблари _____

Амал қилиш муддати: 20 ____ йил “ ____ ” _____ гача

Ўзбекистон Республикаси

Ички ишлар вазирлиги

Йўл ҳаракати хавфсизлиги

бош бошқармаси бошлиғи

_____ (имзо)

_____ (фамилияси, исми, отасининг исми)

Изоҳ. Мазкур рухсатнома шакли Ўзбекистон Республикаси ИИБ ЙҲХББ бланкасида тўлдирилади,
рухсатноманинг кўчирма нусхаси транспорт воситаси эгасига хабарнома тариқасида,
автомототранспорт воситаси қайта жиҳозлангандан сўнг уни қайта рўхатга олишни расмийлаштириш
учун ҳамда тегишлилиги бўйича транспорт воситаси рўйхатга олинган Қорақалпоғистон
Республикаси ИИБга, Тошкент шаҳар ИИББга ва вилоятлар ИИБга юборилади.